

«ՎՐԱՍՏԱՆԸ» 100 ՏԱՐԵԿԱՆ Ե ՇՆՈՐՀԱՎՈՐ ՊԱՆԾԱԼԻ ՀՈԲԵԼՅԱՆԴ

(Սկիզբը՝ 1-ին էջում)

սերունդների ներկայացուցիչների հետ:

Թբիլիսիի թիվ 103 հանրային վրաց-հայկական դպրոցի տնօրենի պաշտոնում աշխատանքիս տարիներին իմ հայազգի բարեկամների հետ հանդիպումներում, երբ խոսք է բացվում որեւէ նշանակալի իրադարձության, մոր կանոնակարգերի կամ օրենսդրական փոփոխությունների եւ առանձնապես կրթական համակարգի նորամուծությունների մասին, ակնհայտ է դառնում, որ այդ ամենի մասին մարդիկ տեղեկանում են «Վրաստան» թերթից: Այդ հանգամանքը նշանակալի անդ-

րադարձավ թերթի նկատմամբ իմ հայացքների վրա՝ ստիպելով ինձ վերաորժեքավորել թերթի դերն ու նշանակությունը մեր երկրի հայազգի քաղաքացիների կյանքում:

Ի պատիվ թերթի աշխատակիցների, պետք է ասեմ, որ իրենց բարձր արհեստավարությամբ նրանք կարողանում են իրենց ընթերցողներին հասցնել այն ամենակարեւորը, նշանակալիցը, ինչը նրանց օգնում է է՛լ ավելի ինտեգրվել մեր հասարակության թե՛ քաղաքական, թե՛ սոցիալական ու տնտեսական կյանքում: Այս ենթատեքստում առանձնակի կցանկալի ընդգծել «Վրաստանի»՝ պետական լեզվի ժողովրդականացմանն ուղղված գործու-

նեությունը: Իմ խորին համոզմամբ, այն, որ մեր դպրոցի հայկական բաժնի բոլոր աշակերտներն ու ուսուցիչները բավականին լավ տիրապետում են վրացերենին, մասնակիորեն դա նաեւ «Վրաստանի» ջանքերի արդյունքն է:

Ի սրտե շնորհավորում եմ Վրաստանի հայալեզու պարբերականին պանծալի հոբելյանի առթիվ: Մաղթում արգասաբեր գործունեություն ի բարօրություն մեր ընդհանուր հայրենիքի, այստեղ ապրող մարդկանց: Շնորհավոր հոբելյանդ, «Վրաստան»:

ԱՐՉԻԼ ՉԽԱԻՉԵ

Թբիլիսիի թիվ 103 հանրային դպրոցի տնօրեն

«ՎՐԱՍՏԱՆԸ»՝ ԿԱՄՐՋՈՂ ԿԱՐԵՎՈՐԱԳՈՒՅՆ ԽՈՐՀՐԴԱՆԻՇ

(Սկիզբը՝ 1-ին էջում)

Նաեւ որոշակիորեն իր ավանդն է ներդրել հասարակական մտածելակերպի կազմավորման, վրաց պետականության կազմավորման եւ կայացման գործում:

Վրաստանը բազմազգ, բազմակրոն եւ բազմաշակույթ պետություն է, եւ հատկանշական է, որ թերթը իր հարյուրամյա արգասաբեր գործունեության ընթացքում հայ-վրացական բազմադարյա բարեկամությունն ամրապնդող ու կամրջող կարեւորագույն խորհրդանիշ է:

Եվս մեկ անգամ շնորհավորում եմ «Վրաստան» թերթի աշխատակիցներին 100-ամյա հոբելյանի կապակցությամբ եւ մաղթում հաջողություններ ու ապագա բեղուն գործունեություն:

ՋԻՎԱՆ ՄԿՐՏՅԱՆ

Թբիլիսիի Ի.Ջավախիշվիլու անվան պետական համալսարանի իրավագիտական ֆակուլտետի մագիստրատուրայի կրթական աստիճանի առաջին կուրսի ուսանող

ՆԱԽԱՁԵՆՈՒԹՅՈՒՆ

ԱՆՅԿԱՅՎԵՅ «ՎՊԱՏԵՂԵԿԱՏՎՈՒԹՅԱՆ ԱԶԴԵՆՈՒԹՅՈՒՆԸ ԲԱՂԱՔԱՅԻՄԱՆ ԻՆՏԵԳՐԱՆ ԳՈՐԾԵՆԹԱՅԻՆ ԵՎ ԴՐԱ ԿԱՆԽՄԱՆ ՆՇԱՆԱԿՈՒԹՅՈՒՆԸ» ԹԵՄԱՅՈՎ ՎԱՐԺԱՆՔ

(Սկիզբը՝ 1-ին էջում)

Միջոցառմանը խոսքով ելույթ ունեցավ հաշտեցման եւ քաղաքացիական իրավահավասարության հարցերով պետմախարար Թեա Ախվլեդիանին:

- Նպատակաձգված ապատեղեկատվությունը եւ քարոզչությունը, որի հիմնական թիրախները Վրաստանում ազգային փոքրամասնության ներկայացուցիչներն են, հետապնդում են հակաարեւմտյան տրամադրվածությունների ուժեղացման, ժողովրդավարական արժեքների վարկաբեկման, հասարակայնության բեւեռականացման նպատակ, ինչը մեծապես հիմնված է ինչպես սխալ դրոշմակերպերի գոյության, այնպես էլ՝ պետական լեզվի իմացության ցածր մակարդակի եւ, համապատասխանաբար, տեղեկատվության փոխանցման սահմանափակման վրա: Վերոնշյալ մարտահրավերի դեմ պայքարի նպատակով, քաղաքացիական իրավահավասարության եւ ինտեգրման ռազմավարության նշանակալի առաջնահերթություններինց մեկը ապատեղեկատվության դեմ պայքարն է,- հայտարարեց պետմախարար Թեա Ախվլեդիանին:

Վարժանքին քննարկվող թեմայի շուրջ ելույթ ունեցան նաեւ Վրաստանի կրթության եւ գիտության նախարարության, ռազմավարական հաղորդակցության կենտրոնի ներկայացուցիչները, վարժանքի մասնակիցները: Մասնակիցների եւ ելույթ ունեցողների թվում էր

Նաեւ Թբիլիսիի թիվ 104 հանրային հայկական դպրոցի անգլերենի ուսուցչուհի Հռիփսիմե Եղշատյանը: Վարժանքից վերադառնալուց հետո, մենք հանդիպեցինք նրա հետ եւ խնդրեցինք կիսվել վարժանքից ստացած տպավորություններով:

- Եռօրյա վարժանքի հազեցված օրակարգի շրջանակներում, մեզ մանրամասն ներկայացվեցին ապատեղեկատվության սոցիալական ազդեցության բացասական հետեւանքները, եւ հարցուպատասխանի կարգով քննարկվեց ապատեղեկատվության կանխման ռազմավարությունը: Գրեթե բոլոր ելույթներում առանձնակի ուշադրություն հատկացվեց ազգային փոքրամասնություններով հոծաբնակ տարածաշրջաններում ապատեղեկատվության կանխմանն ուղղված գործուն միջոցառումների անցկացման անհրաժեշտությանը: Նշվեց, որ ապատեղեկատվության տարածմանը մեծապես նպաստում է տեղի բնակչության կողմից պետական լեզվի թույլ իմացությունը: Հատկանշական է, որ քննարկմանն ընդգծվեց Վրաստանում ապրող ազգային փոքրամասնությունների ներկայացուցիչներին մայրենի լեզվով տեղեկատվության հանձնման կարեւորությունը, եւ այդ նպատակով բնակչության համար մատչելի լրատվամիջոցների, հեռուստահաղորդում-



Հռիփսիմե Եղշատյանը՝ վարժանքին

ների միջոցով օբյեկտիվ, բովանդակալից եւ սպառիչ տեղեկատվության հանձնման ապահովումը:

Վարժանքը շատ ուսանելի էր, համենայնդեպս, ինձ համար շատ հարցերի պատասխաններն հստակեցվեցին, պարզաբանվեցին: Կարծում եմ՝ նման վարժանքները շատ ավելի հաճախ պետք է անցկացվեն, եւ դրանցում պետք է շատ մարդիկ ներգրավվեն:

ԹԱՏՐՈՆ

ԲԱՐԻ ԱՎԱՆԴՈՒՅԹՆԵՐԸ ՎԵՐԱԿԱՆԳՆՎՈՒՄ ԵՆ. ԱՇՈՏ ՍԻՄՈՆՅԱՆԸ՝ ԹՈՒՄԱՆԻՇՎԻԼՈՒ ԲԵՄԻՆ

Թբիլիսիում մեծ համբավ ունեցող Միխեիլ Թումանիշվիլու անվան կինոդերասանի թատրոնի բեմին վերջին երեք օրն անընդմեջ խաղացվեց Սեփյանի Ցագարելու (1857-1902) «Դարձյալ խելքի պակաս ունենք» (ձեռք չէր քան զգոն) պիեսը՝ նույն թատրոնի դերասան, «Արտ-հոլ» արվեստի պատանկան կենտրոնի հիմնադիր եւ ղեկավար Գոգա (Գիորգի) Պիպինաշվիլու բեմադրությամբ: Ներկայացումը ֆինանսավորել է Վրաստանի մշակույթի, սպորտի եւ երիտասարդության նախարարությունը:

Վրացական կինոյի եւ թատրոնի հայտնի դերասանի կողմից թիֆլիսյան կոլորիտը ներկայացնող այս պիեսի բեմադրումը (Ցագարելու գրչին է պատկանում նաեւ վիրահայոց թատրոնի խաղացանկ ընդգրկված «Հին Թիֆլիսի վոդեվիլներ» ներկայացումը) առաջինը չէր: Ինչպես այլ վրացի բեմադրիչների, այնպես էլ Գ.Պիպինաշվիլու կողմից պիեսը մի քանի անգամ հանձնվել է հանդիսատեսի դատին:

Թատերագետների ու թատերասերների գնահատմամբ, բեմադրիչի այս վերջին մոտեցումը լիովին տարբերվեց նախորդներից ու նախեւառաջ՝ դերասանական կազմի ընտրությամբ, ինչը եւ, պայմանավորեց ներկայացման հաջողությունը: Խոսքը պիեսի գլխավոր հերոսի՝ հայազգի Բուդղանի մասին է, որի մարմնավորման համար Գիորգի Պիպինաշվիլին հրավիրեց Թբիլիսիի Պ.Ադամյանի անվան պետական հայկական դրամատիկական թատրոնի երիտասարդ դերասան, Թբիլիսիի Շ.Ռուսթավելու անվան թատերական համալսարանի շրջանավարտ Աշոտ Սիմոնյանին:

Տարիների դադարից հետո, վրացական բեմում, վրացի դերասանների ու վրա-

ցական թատրոնի խաղացանկ ընդգրկված ներկայացման մեջ մեր թատրոնի դերասանի ներգրավումը թերեւս այն բարի ավանդույթի շարունակությունն էր, որ մշտապես առկա է հայ ու վրաց թատրոնների միջեւ: Ահավասիկ, դրանցից վերջինը ադամյանական խաղացանկի սիրված ներկայացման՝ Նոդար Դումբաձեի «Մեղադրական եզրակացության» մեջ վրաց ժողովրդական դերասան, լուսահոգի Սոսո Լադիձեի համարեղ խաղն էր Իսիդորեի դերում:

«Դարձյալ խելքի պակաս ունենք» պիեսում Բուդղանը պարտատեր է եւ պարտքի դիմաց իր վրացի հարեւանից՝ որպես փոխհատուցում, պահաջում է նրա բնակարանը:

Նախքան Աշոտի կողմից Բուդղանի մարմնավորումը, այդ դերում հանդես



Աշոտ Սիմոնյանը (ձախից) եւ Անրի Բիբլեիշվիլին

կանաբար կզգա ռեժիսորական տարբերվող մոտեցումը եւ մանավանդ խորհրդանշական ավարտը՝ Հայոս-Քարթլոսի կենցաղային «խռովություններն» ու «վեճերը» քաջառող հավերժ բարեկամությունը: Խոսքս վրացերեն էր՝ համեմված հայերեն ժարգոնային ու բարբառային արտահայտություններով, որոնք ծանոթ են նաեւ վրացիներին: Սա լրիվ մոր փորձ էր դերասանիս համար: Նախ ծանոթացա ռեժիսորական մոր ձեռագրին: Գոգա Պիպինաշվիլին 62 տարեկան է եւ իր մեջ ամբողջությամբ կրում է թբիլիսյան բազ-

մազգ կոլորիտը: Նա նաեւ այն թատրոնի երկար տարիների դերասանն է, որը փաստորեն գործում է Թբիլիսիի հենց սրտում՝ Դավիթ Աղմաշենբեկու (նախկին՝ Պլեխանով) պողոտայում:

...Նոր խաղընկերներ, մոր հանդիսատես, մոր բեմ, որն անկախ իր պատմական լինելուց, տարբերվում էր իմ խաղացած բեմերից: Հաճելի էր նաեւ գիտակցել, որ ժամանակին այս շենքը կառուցվել է թբիլիցի հայազգի անվանի ճարտարապետ Միխայիլ Վարդանի Բուզոլու նախագծով: (Խմբ. Թատրոնի շենքը ժամանակին հայտնի էր «Վրացֆիլմ» անունով եւ այժմ՝ որպես պատմական արժեք ներկայացնող հուշարձան, գտնվում է պետության հովանու ներքո, կառուցվել է 20-րդ դարի 30-ական թվականներին: Նշենք նաեւ, որ Միխայիլ Բուզոլին Վրաստանում մի շարք կառույցների նախագծման հեղինակ է):

- Եվ վերջապես, թեւ Մարջանիշվիլու, Ռուսթավելու բեմերին հայ դերասանները հանդես են եկել բազմիցս, Թումանիշվիլու բեմին սա հայ դերասանի առաջին ընդգրկվածությունն էր,- հավելում է Աշոտը:

Նշենք, որ ներկայացման առաջնախաղը կայացավ դեկտեմբերի 1-ին: Վրաց հանդիսատեսով լի դահլիճում ներկա էին նաեւ Թբիլիսիի Պ.Ադամյանի անվան պետ-հայդրամայի թատրոնի գեղարվեստական ղեկավար Արմեն Բայանդուրյանը, թատրոնի դերասաններ, «Վրաստան» թերթի գլխավոր խմբագիր Վան Բայբուրյանը:

ԳԱՅԱՆԵ ԲՈՍՏԱՆՅԱՆ

COVID - 19. ՌԵՇԱԴՐՈՒԹՅՈՒՆ, ՌԵՇԱԴՐՈՒԹՅՈՒՆ

ՌԻՇԻ ՄԵՋ ՄՏԱՎ «ԿԱՆԱԶ ԱՆՁՆԱԳՐԻ» ՀԱՄԱԿԱՐԳԸ

(Սկիզբը՝ 1-ին էջում)

Նշենք, որ քաղաքացու «կանաչ կարգավիճակը»՝ հիմնված PCR-ի կամ հակազեն-արագ թեստի վրա, դադարեցվում է թեստի ժամկետը լրանալուն պես:

Ինչ վերաբերում է «Կանաչ անձնագրի» հանձնմանը, ապա այն տրվում է պատվաստման երկրորդ չափաբաժնից հետո, «PCR» եւ հակազենի թեստի բացասական պատասխանից հետո (լաբորատորիայի կողմից պատասխանը համակարգում վերբեռնվելուց հետո) եւ Covid-ը անձի մոտ պաշտոնապես հաստատվելուց 14 օր անց:

Առողջապահության նախարարության փոխանցմամբ, ծառայությունների անխափան մատուցման համար ստեղծվել է երկու հատուկ հավելված՝ CovidPass Georgia եւ Georgia e-Health:

CovidPass Georgia հավելվածը կարող է օգտագործել Վրաստանի տարածքում գտնվող ցանկացած անձ, եւ Վրաստանի քաղաքացին ու օտարերկրացին՝ այցելելու տարբեր հաստատություններ:

Georgia e-Health-ն օգտագործվում է միջազգային ճանապարհորդությունների համար՝ ապահովելով անխափան մուտք դեպի ԵՄ թվային ծածկույթի համակարգում ներգրավված 51 երկիր: Այս հավելվածը, սակայն, եւս կարող է օգտագործվել Վրաստանում՝ մուտք գործելու այն հաստատություններ, որտեղ «Կանաչ անձնագիր» է պահանջվում:

ԿՈՐՈՆԱՎԻՐՈՒՍ.

ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅՆՆԵՐ 264 ՄԻԼԻՈՆԸ

COVID-19-ի հաստատված դեպքերի թիվն աշխարհում հասել է 264 498 101-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 5 250 283-ը: Ապաքինվել է 238 502 985 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 49 716 825 դեպք: Այստեղ մահացածների թիվը 806 398 է, երկրորդ տեղում Չնդկաստանն է, որտեղ հաստատված դեպքերի թիվը հասել է 34 615 757-ի, մահացածներինը՝ 470 115-ի:

Վարակվածների թվով հաջորդ տեղում Բրազիլիան է: Այստեղ վարակվել է 22 118 782, մահացել՝ 615 225 մարդ: Մեծ Բրիտանիայում կորոնավիրուսով վարակվել է 10 329 074, վարակի հետեւանքով մահացել՝ 145 281 մարդ: Մեծ Բրիտանիային հաջորդում են Ռուսաստանը, Թուրքիան, Ֆրանսիան, Իրանը, Գերմանիան ու Արգենտինան:

Հայաստանում, ընդհանուր առմամբ, վարակվածների թիվը հասնում է 339 977-ի, մահացածներինը՝ 7 644-ի, ապաքինվածներինը՝ 319 476-ի:

Արդեջանում վարակվածների թիվը 591 885 է: Վարակից մահացել է 7 905, ապաքինվել՝ 558 819 մարդ:

Վրաստանում, վերջին տվյալներով, վարակվել է 857 933, մահացել՝ 12 258, ապաքինվել՝ 799 850 մարդ:

Դեկտեմբերի 3-ին կորոնավիրուսով վարակման 4 100 նոր դեպքերից 1 658-ը թրիլիսիում է, Աջարիայում՝ 189, Իմերեթիում՝ 675, Քվեմո Քարթլիում՝ 247, Շիդա Քարթլիում՝ 401, Գուրիայում՝ 111, Սամեգրելո-Ջեմո Սվանեթիում՝ 302, Կախեթիում՝ 252, Մցխեթա-Մթիանեթիում՝ 102, Ռաճա-Լեչխումիում եւ Քվեմո Սվանեթիում՝ 29, Սամցխե-Ջավախեթիում՝ 134:

Դեկտեմբերի 3-ի տվյալներով մահացել է 67 մարդ:

ԷԼԵԿՏՐՈՆԱՅԻՆ QR ԿՈՂԸ ՌԵՆԵՍԱԼՈՒ ԴԵՊՔՈՒՄ, ՔՈՎԻԴ ՔԱՐՏԻ ԱՌԿԱՅՈՒԹՅՈՒՆԸ ՊԱՐՏԱԴԻՐ ՉԷ

Արդարադատության տունը պարզաբանում է, որ, էլեկտրոնային QR կոդն ունենալու դեպքում, այլեւս անհրաժեշտ չէ վերցնել նյութական կովիդ-քարտը:

«Ավտոմատացրեք թվային կովիդ-անձնագիրը: Էլեկտրոնային QR կոդն ունենալու դեպքում այլեւս պետք չէ վերցնել նյութական կովիդ-քարտը:

Ներքեմեք Georgia e-Health հավելվածը, որը կկատարի այսպես կոչված «Կանաչ անձնագրի» գործառնությունը:

Միայն այն դեպքում, եթե քաղաքացին որեւէ պատճառով չի կարողանում ներքեմեք թվային կովիդ վկայականի համար անհրաժեշտ հավելվածը, ապա պետք է դիմի Արդարադատության տուն:

Հավելվածում QR կոդն ակտիվացնելուց հետո, այլեւս անհրաժեշտ չէ ունենալ ֆիզիկական կովիդ-քարտ երկրի ներսում, ինչպես նաեւ թվային կովիդ-անձնագրերի միասնական տարածքում անդամագրված բոլոր 49 անդամ երկրներ ճանապարհորդելիս:

Հավելվածը ներքեմեքելուց եւ գրանցվելուց հետո, դուք կակտիվացնեք QR կոդը եւ կստանաք պատվաստման հետ կապված հետեւյալ տեղեկատվությունը: Պատվաստման ամսաթիվը եւ պատվաստանյութի տեսակը, ՊՇՌ եւ հակազենի թեստի վերջին արդյունքները, Ձեր վարակվածության կարգավիճակը»,- ասված է գերատեսչությունում:

Հավելվածը ներքեմեքելու համար օգտագործեք իդոնը՝ iPhone - apps.apple.com եւ Android - play.google.com:

ՌԻՉՈՒՄ ԵՔ ՄՏԱՆԱԼ 200 ԼԱՐԻ ՆՎԵՐ,
ՎԱԹՍՈՒՆ ԱՆՉ ՔԱՂԱՔԱՅԻՆԵՐ, ՌԻԵՄ ՄԻՆԵՎ ԸՆԹԱՅԻՎ ՏԱՐՎԱ ԴԵԿՏԵՄԲԵՐԻ 31-Ը ԱՆՉԵՔ ԿՈՐՈՆԱՎԻՐՈՒՍԻ ԴԵՄ ԱՌԱՋԻՆ ՊԱՏՎԱՍՏՈՒՄԸ ԵՎ ՄՏԱՅԵՔ 200 ԼԱՐԻ ՀԱՎԵԼԱՎՃԱՐ. ԴԻՄԵՔ ՊԱՏՎԱՍՏՄԱՆ ԿԵՏԵՐԻՆ, ՆԱԽՆԱԿԱՆ ԳՐԱՆՅՄԱՆ ՀԱՄԱՐ ԶԱՆՎԱԶԱՐԵՔ 1522 ՀԵՌԱՄԽՈՍԱՀԱՄԱՐԻՆ ԿԱՄ ԱՅՉԵԼԵՔ BOOKING.MOH.GOV.GE ԿԱՅՔ

ՊԱՏՎԱՍՏՈՒՄՆԵՐԻ ԽՐԱԽՈՒՄՄԱՆ ԾՐԱԳՐԵՐԸ ՎՐԱՍՏԱՆՈՒՄ

Կորոնավիրուսի համավարակի դեմ պայքարի այս պահին ամենաարդյունավետ միջոց համարվող պատվաստումը խթանելու նպատակով, Վրաստանի կառավարությունը տարբեր ծրագրեր է առաջարկում:

Այդպիսի ծրագրերից առաջինը «Պատվաստվիր եւ հաղթիր» խաղարկությունն է: Այն ուժի մեջ մտավ դեռեւս սեպտեմբերից: Վիճակախաղում ամեն օր խաղարկվում է 100-500 լարի, ամեն շաբաթ՝ 1 000, 5 000 եւ 10 000 լարի (մոտ 3200 դոլար), իսկ տարեկանը, վերջնական խաղարկության համար՝ 100 000 լարի:

Հաջորդ մշակված նախագիծը պատվաստումների մարաթոնն է: Այս ծրագրի շրջանակներում, հոկտեմբերի երկրորդ կեսից քաղաքացիները հնարավորություն ստացան COVID-19-ի դեմ պատվաստանյութը ստանալ հատուկ նշանակված շարժական բժշկական կետերում՝ առանց գյուղից հեռանալու եւ առանց նախնական գրանցման:

Այնուհետեւ մշակվեց նոր միջոց՝ պատվաստված թոշակառուներին հատկացնել 200 լարիի միանվագ աջակցություն: Կորոնավիրուսի դեմ պայքարի միջգերատեսչական համակարգող խորհրդի որոշմամբ՝ ծրագիրը պիտի գործի մինչեւ 2022 թվականի հունվարի 1-ը: Ըստ վիճակագրական տվյալների՝ վերոնշյալը նախագիծը դրական ցուցանիշ է գրանցել: Առողջապահության նախարարությունը հայտնում է, որ նոյեմբերի 7-ից ավելի քան 100 տոկոսով

ավելացել է պատվաստման դիմողների թիվը՝ գրեթե բոլոր շրջաններում:

Նշենք, որ Հիվանդությունների վերահսկման ազգային կենտրոնի ղեկավար Ամիրան Գամդրեիլիձեն պատվաստման խրախուսման վերոնշյալ նախագծերը, առանձնապես խաղարկությունն ու մարաթոնը, այնքան էլ արդյունավետ չի համարում:

«Պատվաստումների խրախուսման նպատակով իրականացված վիճակախաղը որոշ ժամանակ աշխատեց, սակայն դրան կատարման հետաքրքրությունը կարծես մարել է: Ցավով պետք է արձանագրեմ, որ անգամ պատվաստումների խթանման արշավն էլ այնքան արդյունավետ չեղավ,- հայտարարեց Ամիրան Գամդրեիլիձեն:

ՄԻ ՉԼԱՅԻՐ. ԵԹԵ ՌԻՉՈՒՄ ԵՄ ՇՐՋԱՊԱՏԻԳ ՄԱՐԴԻԿ ՌԻ ԲԱՐԵԿԱՄՆԵՐԴ ԶՎԱՐԱԿՎԵՆ ԿԱՄ ԶՎԱՐԱԿԵՆ ՔԵՉ, ՊԱՏՎԱՍՏՎՈՐ ԹԵ՛ ԳՐԻԴԻ ԵՎ ԹԵ՛ COVID-Ի ԴԵՄ



Նրա խոսքով, գրիպի դեմ պատվաստումը բոլոր քաղաքացիների համար կլինի անվճար:

- Ընթացքի մեջ է գրիպի դեմ պատվաստումը: Խորհուրդ չի

Վրաստանի առողջապահության փոխնախարար Թամար Գաբունիայի հավաստմամբ, խորհուրդ չի տրվում գրիպի եւ Covid-ի դեմ պատվաստանյութերի միջեւ պահպանել ընդմիջում:

տրվում պահպանել ընդմիջում գրիպի եւ Covid-ի դեմ պատվաստանյութերի միջեւ: Հնարավոր է, որ երկուսն էլ արվեն

միանգամից: Սակայն, եթե բուժառնում կարծում է, որ իրեն որոշակի ընդմիջում է պետք, դա նույնպես թույլատրելի է, եւ դա հնարավոր է անել,- ասաց Թամար Գաբունիան:

ՀԻՇԱՏԱԿ

ՄԱՐԱՑԵԼ Է ՎԱՆՈ ԳՐԻՔՈՒՐՈՎԸ. ՄԵԾ ԶԵՄՊԻՈՆՆԵՐԻ ՄԱՐԶԻՉՆ ՌԻ ԴԱՍՏԻԱՐԱԿԸ

Մի քանի օր առաջ Լեհաստանից ցավալի լուր ստացանք. 70 տարեկան հասակում վախճանվեց մի արժանի անձնավորություն, ժանրամարտի Վրաստանի հավաքականի նախկին գլխավոր մարզիչ, Վրաստանի եւ նախկին խորհրդային Միության վաստակավոր մարզիչ, միջազգային կարգի մրցավար Իվան (Վանո) Գրիքուրովը, մարդ, ով մարզել է

դաստիարակել է աշխարհի, Եվրոպայի Օլիմպիական խաղերի երկու մեծ չեմպիոններին՝ Կախա Կախիաշվիլուն եւ Գիրգի Ասանիձեին:

Վրաց մարզական հասարակայնությունը Վանո Գրիքուրովի անունը կապում է վրաց ծանրամարտի ձեռքբերումներին ու նվաճումներին: Նշանակալից է նաեւ մեծ մարզչի ավանդը լեհական ծանրամարտի դպրոցի

ձեւավորման գործում, որտեղ նա աշխատում էր վերջին տարիներին:

Նշենք, որ ծնունդով Ցխիսվալիի տարածաշրջանից Վանո Գրիքուրովի պապը անցյալ դարի 20-ական թվականներին տեղի վիրահայոց թեմի հոգեւոր հովիվն էր եւ այդ պաշտոնում փոխարինել էր հանրահայտ աստղագետ Վիկտոր Համբարձումյանի պապին:



ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ԸՆԴՈՒՆՎԵՅ ԵՌԱԿՈՂՄ ՀԱՄԱՏԵՂ ՀԱՅՏԱՐԱՐՈՒԹՅՈՒՆ

Ինչպես արդեն հաղորդել ենք, նոյեմբերի 26-ին Սոչիում կայացավ Հայաստանի վարչապետ Նիկոլ Փաշինյանի, Ռուսաստանի նախագահ Վլադիմիր Պուտինի եւ Ադրբեջանի նախագահ Իլհամ Ալիևի եռակողմ համդիպումը:

Հանդիպման արդյունքներով ընդունվեց համատեղ հայտարարություն, որտեղ նշված է, որ հանդիպման մասնակիցները քննարկեցին 2020 թվականի նոյեմբերի 9-ի հայտարարության՝ Լեռնային Ղարաբաղի հակամարտության գոտում հրադադարի եւ բոլոր ռազմական գործողությունների ամբողջական դադարեցման իրագործման, ինչպես նաեւ 2021 թվականի հունվարի 11-ի տարածաշրջանում բոլոր տնտեսական ու տրանսպորտային կապերն ապաշրջափակելու մասին հայտարարության կատարման ընթացքը:

Նշվեց, որ կողմերը վերահաստատեցին վերոնշյալ հայտարարությունների դրույթների հետագա, հետեւողական իրականացման եւ անվերապահ պահպանման հանձնառությունը: Պայմանավորվածություն է ձեռք բերվել ադրբեջանա-հայկական սահմանին կայունության ու անվտանգության մակարդակի բարձրացմանն ուղղված քայլեր ձեռնարկելու եւ գործընթացը Հայաստանի ու Ադրբեջանի միջեւ պետական սահմանի դեղին գոտիների եւ այդուհետ դեմարկացիայի հարցերով երկկողմ կողմերի հայտի հիման վրա Ռուսաստանի Դաշնության խորհրդատվական մասնակցությամբ հանձնաժողովի ստեղծման ուղղությամբ մղելուն:



Համատեղ հայտարարության մեջ առանձնակի նշվեց, որ ՌԴ-ն այսուհետ եւս կշարունակի ցուցաբերել անհրաժեշտ աջակցությունը՝ Ադրբեջանի եւ Հայաստանի միջեւ հարաբերությունների կարգավորման, հայ ու ադրբեջանցի ժողովուրդների միջեւ վստահության մթնոլորտի ձեւավորման, ինչպես նաեւ տարածաշրջանում բարիդրացիական հարաբերությունների ստեղծման նպատակով:

ԱՆՑԿԱՑՎԵՑ «ՀԱՅԱՍՏԱՆ» ՀԱՄԱՀԱՅԿԱԿԱՆ ՀԻՄՆԱԴՐԱՄԻ ՀՈԳԱԲԱՐՁՈՒՆԵՐԻ ԽՈՐՀՐԴԻ ՆԻՍԸ



Նոյեմբերի 27-ին Հայաստանի նախագահ Արմեն Սարգսյանի նախագահությամբ անցկացվեց «Հայաստան» համահայկական հիմնադրամի հոգաբարձուների խորհրդի 30-րդ նիստը, որի աշխատանքին մասնակցեցին նաեւ Հայաստանի վարչապետ Նիկոլ Փաշինյանն ու Արցախի Հանրապետության նախագահ Արարիկ Հարությունյանը:

մանները» համազգային դրամահավաքի շրջանակներում հավաքագրված եւ 2020թ. հոկտեմբերի 8-ից նոյեմբերի 1-ն ընկած ժամանակահատվածում թվով ինը պայմանագրով Հայաստանի Հանրապետությանը նվիրաբերված 52 703 114 113 ՀՀ դրամի նպատակային օգտագործման վերաբերյալ ուսումնասիրության քննարկում», «Հայաստան» համահայկական հիմնադրամի գործադիր վարչության 2021 թվականի հունվարի 1-ից դեկտեմբերի 31-ն ընկած ժամանակահատվածում տարեկան համախմբված ֆինանսական եւ ծրագրային տարեկան հաշվետվությունների հաստատում», «2021թ. նոյեմբերի 27-ից երեք տարի ժամկետով Հայկակ Արշամյանին «Հայաստան» համահայկական հիմնադրամի գործադիր տնօրենի պաշտոնում նշանակելու մասին քննարկում»:

չության 2021 թվականի տարեկան բյուջեի հաստատում», «Հիմնադրամի գործադիր վարչության 2020 թվականի հունվարի 1-ից դեկտեմբերի 31-ն ընկած ժամանակահատվածում տարեկան համախմբված ֆինանսական եւ ծրագրային տարեկան հաշվետվությունների հաստատում», «2021թ. նոյեմբերի 27-ից երեք տարի ժամկետով Հայկակ Արշամյանին «Հայաստան» համահայկական հիմնադրամի գործադիր տնօրենի պաշտոնում նշանակելու մասին քննարկում»:

Հոգաբարձուների խորհրդի 30-րդ նիստին խորհրդի 30 անդամներից ներկա են 18-ը, հեռավար կարգով մասնակցում են 5 խորհրդի անդամ, հիմնադրամի տեղական մարմինների ատենապետներ եւ ներկայացուցիչներ:

Օրակարգում ընդգրկվել են հետևյալ հարցերը. «Մենք ենք, մեր սահմանները»:

րի 1-ն ընկած ժամանակահատվածում թվով ինը պայմանագրով Հայաստանի Հանրապետությանը նվիրաբերված 52 703 114 113 ՀՀ դրամի նպատակային օգտագործման վերաբերյալ ուսումնասիրության քննարկում», «Հայաստան» համահայկական հիմնադրամի գործադիր վարչության 2021 թվականի հունվարի 1-ից դեկտեմբերի 31-ն ընկած ժամանակահատվածում տարեկան համախմբված ֆինանսական եւ ծրագրային տարեկան հաշվետվությունների հաստատում», «2021թ. նոյեմբերի 27-ից երեք տարի ժամկետով Հայկակ Արշամյանին «Հայաստան» համահայկական հիմնադրամի գործադիր տնօրենի պաշտոնում նշանակելու մասին քննարկում»:

ՀԵՌՈՒՄՏԱՄԱՐԱԹՈՆԸ ԼՈՍ ԱՆՋԵԼԵՍՈՒՄ ԳՐԱՆՑԵԼ Է 12,351 ՄԻԼԻՈՆ ԱՄՆ ԴՈԼԱՐԻ ՆՎԻՐԱՏՎՈՒԹՅՈՒՆ ՈՒ ԽՈՍՏՈՒՄ

Նոյեմբերի 25-ին «Հայաստան» համահայկական հիմնադրամի «Կենսունակ սահմանային համայնքներ» խորագրի ներքո անցկացված 24-րդ հեռուստամարաթոնի արդյունքում, նախնական տվյալներով, Լոս Անջելեսում արձանագրվել է 12 մլն 351 հազ. ԱՄՆ դոլարի նվիրատվություն ու խոստում:

«Հայաստան» համահայկական հիմնադրամից, հեռուստամարաթոնի միջոցները կնպատակաւորվեն Հայաստանի սահմանային համայնքների առողջապահական, սոցիալական, մշակութային, ինչպես նաեւ ենթակառուցվածքների զարգացմանն ուղղված ծրագրերի ֆինանսավորմանը:

«Հեռախոսամարաթոնների ընթացքում ԱՄՆ-ի «Հայաստան» հիմնադրամը հավաքագրել է 7 861 000 ԱՄՆ դոլար, Ֆրանսիայի տեղական մարմինը՝ 3 990 000 ԱՄՆ դոլար, իսկ

Կանադա՝ 500 000 ԱՄՆ դոլար: Հարկ է նշել, որ հանգանակությունները դեռեւս շարունակվում են, ուստի վերջնական արդյունքները կամփոփվեն տարեկան զեմբլի:

RAISED IN 2021	
USA	\$7,861,000
FRANCE	\$3,990,000
CANADA	\$500,000
GRAND TOTAL	\$12,351,000

ՑՈՒՑԱՀԱՆԴԵՍՈՎ ՈՒ ԿՈՆՖԵՐԱՆՍՈՎ ԵՐԵՎԱՆՈՒՄ ՆՇՎԵՑ ԱՆԱՍՏԱՍ ՄԻԿՈՅԱՆԻ 126-ԱՄՅԱԿԸ



ված կլոր սեղան կոնֆերանսը մեկնարկեցին նոյեմբերի 29-ին Հայաստանի Գիտությունների ազգային ակադեմիայում:

Միջոցառումներին մասնակցելու նպատակով Հայաստան է ժամանել Միկոյանի օնոր՝ երաժիշտ Ստաս Նամինը, որը փետրվարին կիրառարարական Անաստաս Միկոյանին նվիրված գեղարվեստական գիրք՝ հիմնված արխիվային փաստաթղթերի վրա: Նամինի համոզմամբ, Անաստաս Միկոյանը վառ անհատականություն էր համաշխարհային պատմության մեջ, քանի որ նրան հաջողվել է աշխարհը փրկել երրորդ համաշխարհային պատերազմից:

ԽՍՀՄ պետական գործիչ Անաստաս Միկոյանի 126-ամյակին նվիրված ցուցահանդեսում ներկայացված են լուսանկարներ, որոնցում Միկոյանն է ընտանիքի անդամների, պետական այրերի, մշակութային գործիչների հետ, արխիվային փաստաթղթեր, որոնք պատմում են Միկոյանի կյանքի, գործունեության մասին:

Տ ու ը ա ճ ա ճ ի

հանդեսն ու Անաստաս Միկոյանին նվիրված ցուցահանդեսում ներկայացված են լուսանկարներ, որոնցում Միկոյանն է ընտանիքի անդամների, պետական այրերի, մշակութային գործիչների հետ, արխիվային փաստաթղթեր, որոնք պատմում են Միկոյանի կյանքի, գործունեության մասին:

խարհային պատերազմից:

Միջոցառմանը Ստաս Նամինը ներկայացրեց 20 թույլ տեղությամբ ֆիլմ, որում Անաստաս Միկոյանն ինքն է պատմում իր մասին, ասում, թե ինչպես է ապրել գյուղում, ինչպես հանգել հեղափոխական գաղափարների, ինչպես է պատերազմ մեկնել:

ԽՍՀՄ պետական գործիչ 126-ամյակին նվիրված նախաձեռնություններն իրականացվում են Երեւանում «Դոմ Մոսկվի» մոսկովյան մշակութագործարարական կենտրոնի (ՄՍԳԿ), ՀՀ ԳԱԱ պատմության ինստիտուտի նախաձեռնությամբ եւ Սոցիալ-քաղաքական պատմության Ռուսաստանի պետական արխիվի ու Նորագույն պատմության Ռուսաստանի պետական արխիվի աջակցությամբ:

ՆՈՐ ԷԼԵԿՏՐԱԿԱՅԱՆ ԵՐԵՎԱՆՈՒՄ

Նոյեմբերի 29-ին Հայաստանի վարչապետ Նիկոլ Փաշինյանը Երեւանում մասնակցեց 254 մկր հզորությամբ համակցված շոգեգազային սիկլով նոր էլեկտրակայանի բացման արարողությանը:

Կառավարության ղեկավարը «Ռենկո» ընկերության գլխավոր գործադիր տնօրեն Ջովաննի Ռուբինիի ուղեկցությամբ շրջայց է կատարել էլեկտրակայանով, ծանոթացել իրականացված աշխատանքներին:

Ծրագրի իրականացման համար ներդրվել է շուրջ 270 միլիոն դոլար: Շինաշխատանքների մեջ ներգրավված է եղել 1200 աշխատակից, իսկ էլեկտրակայանի գործարկումից հետո ստեղծվել է մշտական 50 նոր աշխատատեղ:

Նշվել է, որ, կարգաբերման աշխատանքների ավարտից հետո, էլեկտրակայանը ՀՀ էներգետիկ ցանցին է մատակարարելու նմանապիպ կայանների կողմից արտադրվող ամենաժաման էլեկտրաէներգիան:

Նշենք, որ էլեկտրակայանի հիմնարկերի արարողությունը վարչապետ Փաշինյանի մասնակցությամբ տեղի էր ունեցել 2019 թվականի հուլիսի 12-ին:

ԵՎՐԱՄԻՈՒԹՅԱՆ ՀԱՏՈՒԿ ՆԵՐՎԱՅԱՆՈՒԹՅՈՒՆԻ ԶԵ ՀԱՅԱՍՏԱՆՈՒՄ

Նոյեմբերի 30-ին Հայաստանի վարչապետ Նիկոլ Փաշինյանը հանդիպում ունեցավ Հարավային Կովկասի ու Վրաստանի ձգնաժամային հարցերով ԵՄ հատուկ ներկայացուցիչ Տոյվո Կլաարի եւ նրա գլխավորած պարզվիրակության հետ:

ԵՄ հատուկ ներկայացուցիչը Հայաստանի վարչապետին փոխանցեց եվրոպական խորհրդի նախագահ Շառլ Միշելի ողջունները եւ վերահաստատեց ԵՄ պարտադրականությունը՝ շարունակել Հայաստան-ԵՄ կապերի ամրապնդմանն ուղղված ջանքերը:

Նիկոլ Փաշինյանը եւ Տոյվո Կլաարը մտքեր են փոխանակել երկկողմ հարաբերությունների, ինչպես նաեւ տարածաշրջանային նշանակության հարցերի շուրջ: Զննարկվել են 2021 թվականի դեկտեմբերի 15-ին Բրյուսելում կայանալիք Արեւելյան գործընկերության գագաթաժողովի օրակարգին վերաբերող հարցեր:

ՀԱՅԱՍՏԱՆՈՒՄ «ՕՄԻԿՐՈՆ» ԵՏԱՄԻ ՊԵՂԸ ԶԻ ՓՐԱՆՑԻՆ

Հայաստանի առողջապահության նախարար Անահիտ Ավանեսյանի հայտարարությամբ, ներկա դրությամբ Հայաստանում կորոնավիրուսի նոր «Օմիկրոն» շտամի դեպք չի գրանցվել:

Նախարարը նաեւ նշեց, որ կորոնավիրուսի նոր «Օմիկրոն» շտամով պայմանավորված մի շարք երկրներից, մասնավորապես, Հարավաֆրիկյան Հանրապետության, Բուրվանայի Հանրապետության, Լեսոթոյի Թագավորության, Նամիբիայի Հանրապետության, Զիմբաբվեի Հանրապետության, Մոզամբիկի Հանրապետության, Մադագասկարի եւ Տանզանիայի քաղաքացիների Հայաստան մուտքը կսահմանափակվի:

Հայաստանում նկատվում է կորոնավիրուսի օրական գրանցվող դրական դեպքերի նվազում: Ալիքի նվազման ժամանակ մահերի դեպքերի նվազումը սովորաբար տեղի է ունենում 2-3 շաբաթ անց: Նախարարության գնահատականներով, առաջիկայում կլինի նաեւ գրանցվող մահվան դեպքերի նվազում:

ՄԵՎԱՆԱ ԼՃԻ ՄԱԿԱՐԳՐՎԸ ԻՋԵԼ Է

2021 թվականի դեկտեմբերի 1-ի դրությամբ Սեւանա լիճը ծովի մակերեսույթից գտնվել է 1900 մետր 46 սմ բարձրության վրա եւ 8 սմ-ով պակաս է նախորդ տարվա դեկտեմբերի առաջին օրվա նիշից: Այս տարի ռոտման նպատակներով Սեւանա լիճի բայ թողնված ջրի քանակությունը կազմել է 227 միլիոն 651 հազար խորանարդ մետր: Տարվա ընթացքում Արփա-Սեւան թունելային ջրաբարձով, ներառյալ ստորերկրյա հոսքը, Սեւանա լիճ է փոխադրվել 151 միլիոն 480 հազար խորանարդ մետր ջուր:

ԵԿԵՂԵՑԱԿԱՆ

9.12.2021 Հոգևորական ղեկավարներ

Հոգևորական ղեկավարներ Սուրբ Աստվածածնի, Աստվածածնի մոր՝ Աննայի հոգևորական հիշատակության տոնն է. բոլոր Արեւելյան եկեղեցիները նշում են դեկտեմբերի 9-ին, իսկ Կաթոլիկ եկեղեցին՝ դեկտեմբերի 8-ին: 1854-ին Կաթոլիկ եկեղեցին ընդունել է Աստվածածնի անա-

րատ հոգևորական վարդապետությունը, ըստ որի, Աստվածամոր ծնունդը, ինչպես Հիսուսին, զերծ է եղել սկզբնական մեղքից: Մյուս եկեղեցիները մերժել են հավատի այդ նոր վարդապետությունը:

11.12.2021 Սուրբ Նիկողայոս Զմյուռնացի Աթանքեւագործի տոն

ՖՈՒՏԲՈԼ

ԿԱՅԱՑԱՎ «ՈՍԿԵ ԳՆՂԱԿԻ» ՄՐՑԱՆԱԿԱԲԱՇԽՈՒԹՅՈՒՆԸ ԼԵՈՆԵԼ ՄԵՍՍԻՆ 7-ՐԴ ԱՆԳԱՄ ՍՐԺԱՆԱՅԱՎ «ՈՍԿԵ ԳՆՂԱԿ»-Ի

Նոյեմբերի 30-ին Փարիզի «Շառլե» թատրոնում կայացավ France Football հեղինակավոր հանդեսի «Ոսկե գնդակ»-ի մրցանակաբաշխությունը:

Կայացած քվեարկությամբ, Արգենտինայի ազգային թիմի եւ ֆրանսիական ՊՍԺ-ի հարձակվող Լիոնել Մեսսին 7-րդ անգամ արժանացավ «Ոսկե գնդակ»-ի:

Տարվա երիտասարդ ֆուտբոլիստի տիտղոսը նվաճեց Իսպանիայի ֆուտբոլի ազգային թիմի եւ կատալոնական «Բարսելոնա»-ի 19-ամյա կիսապաշտպան Պեդրին:

2021 թվականի տարվա լավագույն հարձակվող կոչմանն արժանացավ Լեհաստանի ֆուտբոլի ազգային ընտ-

րանու եւ «Բավարիա»-ի հարձակվող Ռոբերտ Լեւանդովսկին:

Կանանց պայքարում լավագույնը Իսպանիայի հավաքականի եւ «Բարսելոնա»-ի անդամ Ալեքսիա Պուտելան է:

Լեւ Յաշինի անվան մրցանակով լավագույն դարպասապահի կոչմանն արժանացավ Իտալիայի ազգային հավաքականի եւ ՊՍԺ-ի ֆուտբոլիստ Ջանլուիջի Դոննարուման:

Տարվա լավագույն թիմը Լոնդոնի «Չելսի»-ն է:

ԵՂԱՆԱԿ

ԱՌԱՏ ԶՆԱՏԵՂՈՒՄՆԵՐԻ ՊԱՏՃԱՌՈՎ, ԲԱԿՈՒՐԻՄՆԻՅՈՒ ՄԻՍԼԵԱՆՔԻ ԴԱՂՈՒՐ ԳՅՈՒՂ ՏԱՆՈՂ ԱՎՏՈՋԱՆԱԴԱՐԱՆԱՅԱՏՎԱԾԸ ՓԱԿ Է

Վրաստանի տարածաշրջանային զարգացման եւ ենթակառուցների նախարարության ճանապարհային ղեկավարամենտի տարածած տեղեկատվության համաձայն, առատ ծնատեղումների արդյունքում, երկրի որոշ ներքին ճանապարհներում գործում են սահմանափակումներ:



Մասնավորապես, Բորժոմի-Բակուրիանի-Ախալքալաքի ճանապարհի 31-62 կիլոմետրի Անդեգիտ-Ցիսրաժդարո լեռանցք (ծովի մակերեսից 2462մ)-

Տաբաթուրի-Ախալքալաքի Դաղուլար գյուղ ճանապարհահատվածում տրանսպորտային բոլոր միջոցների երթևեկությունն արգելված է:

ՆՈՐՈՒՅՈՒ

ԳԱԶՈՎ ԱՇԽԱՏՈՂ ՍԱՐՔԱՎՈՐՈՒՄՆԵՐԻ ՏԵՂԱԴՐՄԱՆ ՆԱԽՆԱԿԱՆ ԾԱՆՈՒՑՈՒՄԸ ՊԱՐՏԱԴԻՐ Է

Վրաստանի ֆինանսների նախարարության եկամուտների ծառայությունը հիշեցնում է, որ համաձայն Վրաստանի կառավարության 2020 թվականի փետրվարի 6-ի՝ «Անհատական պաշտպանության միջոցների տեխնիկական կանոնակարգը հաստատելու մասին» որոշումների, դեկտեմբերի 1-ից ուժի մեջ է մտել զազով աշխատող սարքավորումների, անհատական պաշտպանության միջոցների եւ տեխնիկայի, ներմուծման միջոցով վրացական շուկայում տեղադրման համար նախնական ծանուցման պահանջը:

Բացի այդ, ներմուծման ճանապարհով, վրացական շուկայում զազով աշխատող սարքավորումների, անհատական պաշտպանության միջոցների եւ մեքենաների տեղադրման համար ներկրողը պարտավոր է ֆինանսների նախարարության եկամուտների ծառայությանը եւ

Վերահսկողության գործակալությանը կայքի միջոցով ներկայացնել էլեկտրոնային «Ներմուծման նախնական ծանուցում» ձեւը, լրացման եւ հաստատման կարգը սահմանվում է Վրաստանի ֆինանսների ու Վրաստանի էկոնոմիկայի եւ կայուն զարգացման նախարարների համա-

տեղ հրամանով: 2021 թվականի դեկտեմբերի 1-ից որոշումներով հաստատված տեխնիկական կանոնակարգերի շրջանակներում վերոնշյալ ապրանքների ներմուծումը Վրաստանի շուկա չի կարող իրականացվել առանց նախնական ծանուցման:

Հատկանշական է, որ ներկրողների համար գլոբալ համալսարանի հետեւանքով բխող ռիսկերը մեղմելու նպատակով նախապես ծանուցման պարտավորությունն արդեն մեկ ամսվա հետաձգվել է՝ 2021 թվականի սեպտեմբերի 1-ից մինչեւ 2021 թվականի դեկտեմբերի 1-ը:

ԵՐԱՇԵՏԱԿԱՆ ԵՐԵԿՈ

ՀԱՄԵՐԳ՝ ՄԵՐԱԲՈՎԱ ՔՈՒՅՐԵՐԻ, ԿՈՆՍՏԱՆՏԻՆ ԵՐՈՅԱՆԻ, ԳԻՈՐԳԻ ՆԱԴԱՐԵԻՇՎԻԼՈՒ ՄԱՍՆԱԿՈՒԹՅԱՐ

Վրաստանի կոմպոզիտորների միության տանը կայացավ վրաց կոմպոզիտոր Իրակլի Ցինցաձեի սոնատային երաժշտության համերգը, որտեղ ելույթ ունեցան միջազգային մի շարք մրցույթների դափնեկիրներ՝ դաշնակահարուհիներ Քրիստինա եւ Ռեզինա Մերաբովաները, ջութակահար Կոնստանտին Երոյանը, թավջութակահար Գիորգի Նադարեիշվիլին: Նշենք, որ վերջին երկուսը Կոնստանտին Վարդելիի (Վարդանյանի) անվան թրիլիսյան քառյակի անդամներ են:



Միջոցառմանը ներկա՝ Վրաստանի կոմպոզիտորների միության նախագահ Գիորգի Շավերաշվիլին բարձր գնահատեց կազմա-

կերպիչների աշխատանքը եւ համերգի մասնակիցների վարպետությունը:

ԱՐՏԵՆ ԿԻՐԱԿՈՂՈՎ

1	2	3	4	5	6	7	8
9	10	11	12	13	14	15	16
17	18	19	20	21	22	23	24
25	26	27	28	29	30	31	32
33	34	35	36	37	38	39	40
41	42	43	44	45	46	47	48
49	50	51	52	53	54	55	56
57	58	59	60	61	62	63	64

ԽԱՍՈՒՐ ԴԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Հրանտ Մաթեոսյանի ժողովածուներից: 5.Պարսիկ բանաստեղծ Ֆիրդուսու համրահայտ պոեմը: 9.Երեկ, ..., վաղը: 10.«Հանկարծ ..., ընկավ ցած»: 11.Ընտրական ծայր: 13.Մարդու երակներում է հոսում: 15.Քաջ, անվախ: 18.«Հով սարեր, ... սարեր, մանկությունս ետ բերեք» (ժող. երգ): 19.Ծուռաթիվ կենդանի: 20.Վրաց անվանի երգչուհի ... Բրեզված: 21.Սկրտիչ Արմենի գրական հերոսուհի: 23.Ռուսական բիլինայի հերոս ... Մուրոմեց: 25.Մաշտոցյան այբուբենի զինվոր: 26.Եմենի մայրաքաղաքը: 28.«Ինչպես»-ը թրիլիսյան բարբառում: 30.Ավելի, լիքը: 32.Ողջ, ամբողջ (Հովհ.Թումանյանի լեզվով): 33.Խաղողի վազը: 34.Թրիլիսի Պ.Աղամյանի անվան թատրոնի նախկին դերասանուհի ... Քարայրյան: 37.Հովհ.Շիրազի նկարիչ որդին: 39.... ու բարիք: 40.Գազան որսալու հարմարանք: 42.Մերկ, առանց հագուստի: 44.Կալանավայր: 45.Շատ միս տվող: 48.Վրաց երաժիշտ Փիլիմոն ...: 51.Հնուն ամեն ինչից զուրկ մարդ, ծառա: 52.Լաց լինել, լացել (ժող.): 53.«Մին մանկան պես լաց է լինում, մին ոռնում է ... գազան» («Զմեռվա իրիկունը»): 54.Լեռնանցք Վրաստանում: 56.Մեծ Հայքի կենտրոնական նահանգը: 57.Գյուղ Վրաստանի Գարդաբանի շրջանում:

ՈՐԿԱՆՈՆԱԿԱՆ. 1.Մետրոպ Մաշտոցի գերեզմանի վայրը: 2.Ավ.Իսահակյանի ստեղծագործությունը:

ներից՝ «... անպար»: 3.Նորբյան մրցանակի դափնեկիր առաջին հայը ... Սահակյան: 4.Հայ կին ֆիդայի՝ ... Մայրիկ: 5.Հայաբնակ ավան Վրաստանում: 6.Նաիրի Ջալալյանի վեպը: 7.Վրաստանի Բուրիս-Խաչենում ծնված հայ մեծանուն գրող: 8.Ուտելի, շատ օգտակար բույս: 12.Վրաց դերասան, երգիչ Կիկաբիձե «Միմինո» ֆիլմում: 14.Հնագույն պետություն, Վանի թագավորությունը: 16.Դ.Դեմիրճյանի հեքիաթ-կատակերգության հերոս: 22.Վրաց թագուհի: 24.19-րդ դարում Գյումրիում կառուցված եկեղեցի: 26.Ուտելի կանաչի: 27.Գր.Նարեկացու «Մատյան ողբերգությունը» ժողովրդական ձեռնով: 29.«Վար ու ...ը մեր կիսրար, հունձն էլ անենք հավասար» («Գյուղացին ու արջը»): 31.Հիմա, այժմ: 35.Արամ Խաչատրյանի բալետներից: 36.Վանի թագավորության արքաներից: 38.Մակեդոնի չափման միավոր: 41.Ցուցական դերանուն: 42.Վերածննդի դարաշրջանի սիրավեպի հերոս: 43.Հայ անվանի կինոռեժիսոր ... Վաղարշյան: 44.... եւ իր: 45.Կղզիական պետություն Միջերկրական ծովում: 46.Աթաղաղ: 47.«Ի՞նչ ես խցկվում, ..., արջի քթոթ» («Գիքոր»): 49.Վրաց երգչուհի ... Սոփաձե: 50.Ծայր, սահման: 54.Ժամանակի միավոր: 55.Հայերենի վերջածանց:

Կազմեց ԱՆՆԱ ՍԱՐԻԲԵԿՅԱՆԸ

Գլխավոր խմբագիր՝ ՎԱՆ ԲԱՅԲՈՒՐԹՅԱՆ
Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ
Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵԾ ՅՈՆԱՅՅԵԾՈՒ: ԹՅՈՒՐՈՍԵ 0105, ՃԱԹԵՅԵՐՈՍ ԺՅՅԵ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅՅԵ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԵՅԵՐ»
ԹՅՈՒՐՈՍԵ, ՆԱՅՅԵԾՅԵՐՈՒ
"ВРАСТАН"
Тбилиси, Грузия
«VRASTAN»
Georgia, Tbilisi
Индекс 66445